

Evening Dogri News

22 June 2024

18:15 Hrs

Headlines

- भारत ते बांगलादेश नै बक्ख-बक्ख खेत्तरे च आपसी सरबंधे गी होर तगड़ा बनाने लेई केई समझौते पर दस्तखत कीते न। भारत नै बांगलादेश दे बसनीके लेई मेडिकल ई-वीजे दी सुविधा दा ऐलान कीता ऐ।
- लेफ्टिनेंट गवर्नर मनोज सिन्हा होरे आखेआ ऐ जे श्री अमरनाथ जी दी जात्तरा गी बवस्थित ते सुरक्षित ढंगे सिर करोआने लेई सरकार सबै लोड़चदी गैहीं पुट्टा करदी ऐ।
- जम्मू खित्ते च होए दे द'ऊ बक्ख-बक्ख शिड़क हादसे च 26 लोक जख्मी होई गे'न।
- खेड्डे च भारती महिलाएं तीरंदाजी विश्व कप दे त्रीये चरण च शानदार प्रदर्शन कीता ऐ ते टी-20 क्रिकेट विश्व कप च अज्ज रातीं 8 बजे भारत दा मुकाबला बांगलादेश कन्नै होगा।

<><><><><><>

India-Bangladesh

भारत ते बांगलादेश नै अज्ज केई समझौता जापने पर दस्तखत कीते। इने समझौते च डिजिटल ते हरित भागीदारी, समुंदरी सहयोग, सेहत ते चिकित्सा, अंतरिक्षक सहयोग, रेलवे संपर्क, समुंदरी विज्ञान, आपदा प्रबंधन ते मच्छी पालन ते खेत्तर शामिल न। नमीं दिल्ली च प्रधानमंत्री नरेन्द्र मोदी ते बांगलादेश दिएं प्रधानमंत्री शेख हसीना हुंदा बश्कार गल्लबात परैत इने समझौते पर दस्तखत कीते गो। प्रेस लेई जारी इक बयान च प्रधानमंत्री नरेन्द्र मोदी होरे आखेआ ऐ जे बांगलादेश भारत दी अपने गवांडिएं गी तरजीह देने ते एकट ईस्ट नीति दा इक प्रमुख केंद्र ऐ। उने आखेआ जे दौनें मुखे किट्टे रलियै पिछले इक बरे च आम लोके दे कल्याण आली केई महत्वपूर्ण परियोजनाएं गी सबूरा कीता ऐ। प्रधानमंत्री होरे आखेआ जे भारत ते बांगलादेश बशर गंगा नदी पर दुनिया दी सब्बने शा लम्मी किशती जात्तरा दे अलावा पाइपलाईन दा निर्माण बी कामयाबी कन्नै पूरा होई गेआ ऐ। उने आखेआ बांगलादेश दे लोके लेई भारत ईलाज-मुआलजे गित्तै ई-मेडिकल वीजे दी स्थूलत शुरू करोग। बंगलादेश दिएं प्रधानमंत्री होरे भारत दी इक भरोसेमंद दोस्त ते इलाकाई भ्याल करार दित्ता। उने नरेन्द्र मोदी होरे गी बंगलादेश औने दा साद्दा बी दित्ता। एहदे शा पैहले बड्डलै शेख हसीना हुंदा राष्ट्रपति भवन च रस्मी सोआगत कीता गेआ हा।

<><><><><><>

LG-Yatra

उपराज्यपाल मनोज सिन्हा होरे आखेआ जे सरकार इस म्हीने दी 29 तरीक गी शुरू होने आली श्री अमरनाथ जी दी जात्तरा गी बवस्थित ढंगे सिर तोड़ चाढने लेई सबै जरूरी जत्त करा'रदी ऐ। प्रथम पूजा करने मगरा सालाना श्री अमरनाथ जी जात्तरा दी रस्मी तौरा पर शुरूआत करदे होई उपराज्यपाल होरे इक सोशल मीडिया पोस्ट च आखेआ जे प्रशासन नै सुरक्षा, बुनियादी ढांचे ते जरूरी सहूलते च सुधार आंदा ऐ तां जे यात्रुएं गी कोई परेशानी नैई होवे। उने आखेआ जे एह जम्मू-कश्मीर दी प्राचीन परम्परा ऐ जे सब्बने समुदाये दे लोग इस जात्तरा च शामिल

हुंदे न ते सब्बनें धर्मे दे लोकें गी किट्टे आइये देसै दे बक्ख-बक्ख हिस्सें थमां आवा'रदे यात्रुएं दा रली-मिलियै स्वागत करने लेई आह्वान करदे ना।



LG-Yatra-Initiatives

उपराज्यपाल मनोज सिन्हा होरें अज्ज राजभवन च श्री अमरनाथ जी दी जात्तरा लेई ग्रामीण स्वच्छता निदेशालय दे बक्ख-बक्ख स्वच्छता पैहलकदमियें दी शुरूआत कीती। उनें आखेआ जे नमां लोगो, स्वच्छ जात्तरा एंथम वेबसाइट ते मोबाइल ऐप स्हाडे जीरो वेस्ट तीर्थ यात्रा दे लक्ष्य गी हासल करने लेई बड़ा मता फायदा होग। इस सिलसिले च प्रदेश प्रशासन ते श्री अमरनाथ जी श्राइन बोर्ड दी रणनीतियें पर लोह पांदे होई उपराज्यपाल होरें आखेआ जे जम्मू-कश्मीर टिकाऊ सैलसफा गी बढ़ावा देने च अगगे ऐ ते इस पवित्र यात्रा लेई सरकार नै तकनीक ते मानव संसाधन गी किट्टे आहिनयै इक समाधान बारे विचार कीता ऐ। उनें अगगे जानकारी दिती जे Shivamsankalpmastu.in वेबसाइट ते Nandi the yatra sarthi aap जिंदी अज्ज शुरूआत कीती गई ऐ, यात्रा ते साफ-सफाई बारै सटीक जानकारी उपलब्ध करोआइन।



CS-Yatra Bhawan

जम्मू-कश्मीर दे मुख्ब सचिव अटल डुल्लू होरें डिविजनल कमिशनर रमेश कुमार, ए.डी.जी.पी जम्मू ज़ोन आनंद जैन, प्रशासन दे सीनियर अहलकारें ते सुरक्षाबलें कन्नै रलियै अज्ज भगवती नगर च अमरनाथ बेस कैंप दा दौरा लाया ते सुरक्षा तैयारियें दा जायजा लैता।



Doda-Arrests

डोडा पुलसै पैसे दे बदले पाकिस्तानी आतंकवादिएं गी रूट्टी-पानी ते साज-समेयान उपलब्ध करोआने दे आरोप च डोडा जिले च गंदोह दे द्रमन ग्रां थमां आतंकवादिएं दे 3 मददगारें गी गिरफ्तार कीता ऐ। ध्यानजोग ऐ जे 3 शा 4 पाकिस्तानी आतंकवादिएं जंदी 11 जून दी रातीं छत्तरगला च फौज ते पुलस दे सांझे दस्ते गी निशाना बनाया हा ते फही 12 जून गी गंदोह च इक पुलस पार्टी पर बी हमला कीता हा जेदे च 7 सुरक्षाकर्मी जख्मीं होई गे हे। सुरक्षाबलें आस्सेआ इनें हमलें च शामिल आतंकवादिएं दी धर-पकड़ लेई तदुं थमां गै सांझे तपाशी अभियान चलाए जा रदे हे पर इनें पाकिस्तानी आतंकवादिएं दा कोई सुराग हत्थ नेई लगगे दा ऐ।



UAPA

गैर कनूनी गतिविधियें दी रोकथाम कनून तैहत बनाई गेदी इक ट्रिब्यूनलनै मुस्लिम लीग जम्मू-कश्मीर दे तहरीक-ए-हुर्रियत जम्मू-कश्मीर पर पंज साल दी राक लाने दे केंद्र दे फैसले दी पुष्टि कीती ऐ। खबरें मताबक दिल्ली होई कोर्ट दे इक जज दी अगुवाई च ट्रिब्यूनल नै आखेआ जे इस रोक लाने दी पच्छ्रौकड़ै च केई कारण ना। मुस्लिम लीग जम्मू-कश्मीर दे मसरत आलम गुट गी यू.ए.पी.ए तैहत सरकार नै 27 दिसंबर 2023 गी 5 साल लेई गैर कनूनी घोषित कीता हा की जे इस गुट दे केंद्र शासित प्रदेश जम्मू-कश्मीर च राष्ट्र विरोधी ते अलगाववाद गतिविधियें च शामिल होने दी पुष्टि होई ही।

Akashwani-Oxford

आकाशवाणी समाचार गी भारत दे सारें शा भरोसेमंद समाचार एकांश च शामिल होने दे तौरा पर पंखान थहोई ऐ। **Retuers Institute for the study of Journalism oxford university** आस्सेआ कीते गेदे इक हालिया सर्वेक्षण च राष्ट्र दे मीडिया परिदृश्य च आकाशवाणी समाचार दी प्रमुख थाहर दी पुष्टि कीती गेई ऐ। डिजिटल न्यू रिपोर्ट 2024 दे हिस्से दे तौर पर जारी कीती गेदी इस सालाना प्रकाशन च पता लगा ऐ जे आकाशवाणी समाचार गी देश दे होरनें मीडिया हाउसें थमां मता विश्वसनीय सोर्स यानि ट्रस्ट सोर्स हासल होआ ऐ। इस शानदार उपलब्धि पर प्रतिक्रिया दिंदे होई प्रसार भारती दे चेयरमैन नवनीत कुमार सहगल होरें हर स्थिति च सच्ची खबर दा प्रसारण करने लेई आकाशवाणी समाचार दी प्रतिबद्धता पर लोह पाई।



Road-Mishaps

जम्मू संभाग दे जम्मू ते रामबन जिलें च होए दे दऊं बक्ख-बक्ख शिड़क हादसें च घट्टोघट्ट 26 जनें जख्मीं होई गे न जिंदे च भारत-तिब्बत सीमा पुलस यानि आई.टी.बी.पी दे 3 जवान शामिल न। इंदे चा इक हादसा जम्मू दे बाहरले इलाके च अखनूर-ज्योड़ियां शिड़कै पर बमाल मोड़ दे नेड़े होआ जित्थे दऊं प्राइवेट बसें दी सिद्दी टक्कर होने करी 22 लोक जख्मीं होई गे। हादसे मगरा इक बस शिड़कै कंठुं लग्गे दे इक दरख्त कन्नै बी जाई बज्जी। हादसे च जख्मीं होए दे लोकें चा 8एं जनें गी माहिराना इलाज लेई सरकारी मेडिकल कालेज अस्पताल रैफर करी दित्ता गेआ। तोआई इक होर हादसे च आई.टी.बी.पी दे जवानें गी लेइयै श्रीनगर जा'रदा इक ट्रक जम्मू-श्रीनगर राष्ट्रीय जरनैली शिड़क पर रामबन जिले दे खारपोरा ग्रां च शिड़कै परा रूलकियै इक डूहंगी खड्डे च जाई डिग्गा। अधिकारिएं मुजब हादसे च आई.टी.बी.पी दे 3 जवान ते कन्नै इक्क सिविलियन डरैवर जख्मीं होई गेआ जिनेंगी इलाज लेई बनिहाल अस्पताल पुजाया गेआ।



Parliament-Session

18मीं लोकसभा दा पैहला सत्र सोमवार रम्भ होगा। सत्र दौरान नमें चुने गेदे सदस्य ओहदे दी सगंध चुकडन। बीजेपी दे सीनियर सांसद भरथूरि मेहबताब जिनेंगी किश चिरें लेई स्पीकर नियुक्त कीता गेआ ऐ, नमें चुने गेदे सांसदे गी ओहदे दी सगंध चुकाडन। नमें लोकसभा स्पीकर लेई चुनां इस म्हीने दी 26 तरीक गी करोआए जाने न, जिसले के राष्ट्रपति द्रौपदी मुर्मू होर 27 जून गी लोकसभा ते राज्यसभा दी सांझी बैठक गी संबोधित करंगन। उआं राज्यसभा दे सत्र इस म्हीने दी 27 तरीक थमां शुरू होआ रदे न। संसद दा एहू त्र अगले म्हीने दी 3 तरीक गी समाप्त होगा।



Samba-Training

सांबा च ग्रामीण स्वरोजगार सिखलाई संस्थान दी तरफा महिलाएं गी सशक्त ते आत्मनिर्भर बनाने लेई सांबा च बन्ने कन्नै लगदे ग्रां बैन ग्लाड च 13 दिनें दी सिखलाई दित्ती जा रदी ऐ जेदे च तकरीबन 35 महिलाएं गी जूट बैग बनाने दी सिखलाई कार्यक्रम चला'रदा ऐ। सिखलाई हासल करा रदी इनें महिलाएं सरकार दा धन्नवाद कीता ऐ। उंदा आखना ऐ जे इस इलाके च पैहलें कदे बी इयै नेई कोई सिखलाई नेई दित्ती गई। आकाशवाणी दे जिला संवाददाता सतपाल शर्मा हुंदे कन्नै गल्ल करदे होई सिखलाई हासल करा रदी किश महिलाएं आखेआ जे ओह आपूं ते आत्मनिर्भर बना'रदियां न कन्नै गै केई होर महिलाएं गी बी आत्मनिर्भर बनांगन।

<><><><><><>

LG-Greetings

उपराज्यपाल मनोज सिन्हा होरें लोकें गी कबीर जयंती ते कन्नै श्री गुरु हरगोबिंद साहिब हुंदे प्रकाश पर्व दे मौके मुबारकबाद दित्ती ऐ। अपने संदेश च एल.जी होरें संत कबीर होरें गी समाज सुधार, बरोबरी, एकता ते समाजी सद्भाव दे प्रतीक करार दित्ता ऐ। उनें लोकें गी श्री गुरु हरगोबिंद जी महाराज हुंदे प्रकाश पर्व दिआं बी शुभकामनां दित्तियां ते आखेआ जे गुरु जी होर दलेरी, समाजी न्या ते निस्वार्थ सेवा दी बड्डी मिसाल ना। उनें आखेआ जे लोकें गी गुरु हरगोबिंद जी हुंदे दस्से दे विचारें गी अपनादे होई मनुक्खता दी सेवा च अपने आपै गी समर्पित करा लोड्चदा ऐ।

<><><><><><>

Archery-Gold

तीरंदाजी च भारत दियां ज्योति सुरेखा वेनाम परनीत कौर ते अदिति स्वामी हारें तुर्किये च अंताल्या तीदंदाजी विश्व कप 2024 दे काम्पाउंड टीम विंट च सुन्ने दा तगमा अपने नां कीता ऐ। महिलाएं दी इक तिकडी नै एटोनिया गी 232-292 कन्नै हराई दित्ता ते कम्पाउंड टीम इवेंट च त्रौनें सुन्ने दे तगमें अपने नां कीते।

<><><><><><>

Cricket

तोआई क्रिकेट च पुरुषें दे टी-20 विश्व कप च भारत दा मकाबला अज्ज संज्ञा बांगलादेश कन्नै होगा। भात सुपर-8 दा अपना दुआ मुकाबला एंतीगुआ दे सर विवियान रिचर्डस स्टेडियम च खेड्ढोगा। भारती टीम अज्ज जित्त दे लक्ष्य कन्नै मैदान च उतरोग जेदे कन्नै सेमिफाइनल च अपनी थाहर पक्की करने दे लक्ष्य च इक कदम अगगे आई जागा। अपने पैहले सुपर-8 दे मकाबले च भारत नै अफगानिस्तान गी 47 रनें न्नै हराया हा।

<><><><><><>